

Իսկ Թէոդորոս արար նոցա պատասխանի՝ ծանր իմն է նորասահման խնդիրդ՝ զի յաւուրս ձեր և մեր խորհրդապան հաշիւք Աթոռոյն յայտնի քարոզել 'ի բերանս հասարակաց՝ եթէ իշխանաւորդք միայն կամիք գիտել և իմանալ, առաքեցէք զարս հաւատարիմս, յորս վստահ են անձինք ձեր, 'ի Ս. Աթոռս, քննել զմայր տումարս և խելամուտ առնել զձեզ. զի մի կարծեսցի թէ՛ պահեալ ըզդանձս իբրեւ մուրացիկ շրջիմք 'ի դրունս ձեր, զի եթէ առ այս եւս ոչ հաճեսցիք՝ տուք ինձ հրաման զալ 'ի կոստանդինուպօլիս, և տալ զհամար տնտեսութեան իմոյ առաջի մեծի և փոքու. զի մի 'ի պատճառս այս զանց արասցիք զմեօք՝ թողեալ 'ի ձեռս կեղեքիչ բռնաւորաց, 'ի կործանումն տան և 'ի յափշտակութիւն ազգային սեփհականութեանց:

Եւ 'ի զայրանալ խռովութեանն ընդ Յունաց 'ի թագաւորեալ քաղաքի, գումարեցան գլխաւորք ազգին առ Յովհաննէս Պատրիարք, և միաբանեալ ընդ միմեանս ուխտ եղին, դաշինս և պայմանս հաստատեցին 'ի միջի իւրեանց, զի միակամ և համախորհուրդ յամենայն սրտէ սիրով և ջանիւք աշխատեսցին վասն սեփհական ժառանգութեան ազգին՝ որ յերուսաղէմ, և մի երբէք թողցեն զայն 'ի յափշտակութիւն օտարաց. այսօքիկ են պայմանքն զորս եղին: Ի սահմանեալ ժամանակին առանց իւրք պատճառի փութալ եւ հասանել 'ի խորհուրդ և 'ի գործ, բարւոք քննել զխնդիրս եւ միաբան հաճութեամբ որոշել. լինել խորհրդապահ յամենայնի: Ձերկպառակիլ 'ի բանս և 'ի գործս, միաբան մնալ 'ի մահ և 'ի կեանս. միաբան սիրով վաստակաւորաց՝ օրհնութիւն Տեառն. անձնասիրաց, հակառակորդաց և նենգաւորաց՝ անէծս ցաւազինս. գիտութեամբ ամենեցուն մխել 'ի գործ: Զայս գիր ետուն կնքել նախ Պատրիարքին՝ և ապա ինքեանք մի ըստ միօջէ: Սակայն ձայն պատերազմին Ռուսաց ընդ Օսմանցիս խոչեղեւ գործոյն առ ժամն:

Մկրտիչ վարդապետ, նոյնպէս և վարդապետք Յունաց և Լատինաց դեղերէին 'ի դրունս սակս կարգաւորելոյ ըզկառավարութիւն Երուսաղէմի, որպէս գրեցաք, և չգրտեալ օգնութիւն ինչ յուստեքէ, միջնորդ կալան զդեռ-